



SLUŽBENE NOVINE

KANTONA SARAJEVO

Godina XXIV – Broj 43

Četvrtak, 31. oktobra 2019. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst, 37/14 - Ispravka), i člana 9. Zakona o raseljenim osobama - prognanicima i izbjeglicama - povratnicima u Kantonu Sarajevo ("Službene novine Kantona Sarajevo", broj 27/05 - Prečišćeni tekst), Vlada Kantona Sarajevo, na 44. sjednici održanoj 24.10.2019. godine, donijela je

UREDBU

O IZMJENAMA UREDBE O NAČINU OSTVARIVANJA POMOĆI ZA ODRŽIVI POVRATAK

Član 1.

(Izmjena člana 3.)

U Uredbi o načinu ostvarivanja pomoći za održivi povratak ("Službene novine Kantona Sarajevo", br. 3/14 i 30/17), u članu 3. st. (3) i (4) mijenjaju se i glase:

"(3) Saradnja na obezbjeđenju pomoći iz st. (1) i (2) ovog člana može se ostvariti i sa drugim vladinim i nevladinim institucijama, ustanovama i organizacijama od značaja za održivi povratak.

(4) U slučajevima iz st. (2) i (3) ovog člana, Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) će sa opštinom i drugim vladinim i nevladinim institucijama, ustanovama i organizacijama od značaja za održivi povratak, potpisati protokol o saradnji u cilju održivog povratka."

Član 2.

(Izmjena člana 4.)

U članu 4. u stavu (2) riječi: "vladine i nevladine institucije nadležne za održivi povratak", zamjenjuju se riječima: "druge vladine i nevladine institucije, ustanove i organizacije od značaja za održivi povratak".

Član 3.

(Izmjena člana 5.)

U članu 5. riječi: "vladinim i nevladinim institucijama nadležnim za održivi povratak", zamjenjuju se riječima: "drugim vladinim i nevladinim institucijama, ustanovama i organizacijama od značaja za održivi povratak".

Član 4.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-38181-6/19

24. oktobra 2019. godine
Sarajevo

Premijer
Edin Forto

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst, 37/14 - Ispravka), i člana 126. tačka c), a u vezi sa članom 66. stav (3) Zakona o policijskim službenicima Kantona Sarajevo ("Službene novine Kantona Sarajevo" br. 38/18 i 26/19), Vlada Kantona Sarajevo, na 44. sjednici održanoj 24.10.2019. godine, donijela je

UREDBU

O TEKSTU I NAČINU POLAGANJA ZAKLETVE POLICIJSKIH SLUŽBENIKA UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

Član 1.

(Predmet)

Ovom uredbom propisuje se tekst zakletve i uređuje način polaganja zakletve policijskih službenika Uprave policije Ministarstva unutrašnjih poslova Kantona Sarajevo (u daljem tekstu: Uprava policije).

Član 2.

(Tekst zakletve)

Tekst zakletve glasi:

"Svečano izjavljujem da ću se u svom radu pridržavati Ustava i zakona Bosne i Hercegovine, Federacije Bosne i Hercegovine i Kantona, da ću dužnost i obaveze policijskog službenika vršiti savjesno i odgovorno, da ću svim svojim snagama štiti prava, slobode i sigurnost svih građana i da ću poslove i zadatke policijskog službenika odgovorno izvršavati i u slučajevima kada izvršavanje tih poslova i zadataka dovodi u opasnost moj život.

Ja sam policijski službenik Uprave policije Ministarstva unutrašnjih poslova Kantona Sarajevo."

Član 3.

(Vrijeme polaganja zakletve)

Policijski službenik polaže zakletvu prije početka rada na policijskim poslovima, odnosno stupanja na dužnost policajca ili mladeg inspektora.

Član 4.

(Protokol)

- (1) Polaganje zakletve se obavlja na zvaničnoj ceremoniji po prethodno utvrđenom protokolu pred policijskim komesarom Uprave policije.
- (2) Protokol, vrijeme i mjesto polaganja zakletve utvrđuje policijski komesar Uprave policije.

Član 5.

(Ceremonija)

- (1) Na svečanoj ceremoniji iz člana 4. stav (1) ove uredbe, zastava i grb Bosne i Hercegovine, Federacije Bosne i Hercegovine i Kantona postavljeni su na vidno mjesto, u skladu sa zakonom.
- (2) Na početku zvanične ceremonije polaganja zakletve intonira se himna Bosne i Hercegovine.
- (3) U zavisnosti od poslova i zadataka koje će obavljati policijski službenici zakletvu polažu u uniformi, odnosno civilnoj odjeći, u stroju i obavezno u stavu "mirno".

Član 6.

(Izuzetak)

Izuzetno od odredbe člana 5. ove uredbe, polaganje zakletve može se obaviti i na drugi način za pojedinca ili manju grupu policijskih službenika u slučaju prelaska na rad iz drugog policijskog organa, o čemu odlučuje policijski komesar Uprave policije.

Član 7.

(Izjava)

- (1) Nakon obavljene ceremonije polaganja zakletve, policijski službenik potpisuje Izjavu o polaganju zakletve.

- (2) Jedan primjerak potpisane izjave iz stava (1) ovog člana odmah se uručuje policijskom službeniku, a drugi primjerak potpisane izjave se ulaže u personalni dosije policijskog službenika.

Član 8.

(Obrazac Izjave)

Obrazac Izjave o polaganju zakletve sačinat će se na bosanskom, hrvatskom i srpskom jeziku i sastavni je dio ove uredbe.

Član 9.

(Važenje ranije izjave)

Svečana izjava policijskog službenika data u skladu sa odredbama Uredbe o tekstu i načinu polaganja zakletve policijskih službenika Ministarstva unutrašnjih poslova Kantona Sarajevo ("Službene novine Kantona Sarajevo", broj 8/07), smatrat će se zakletvom položenom prema odredbama ove uredbe.

Član 10.

(Ravnopravnost spolova)

Gramatička terminologija u ovoj uredbi podrazumijeva uključivanje oba spola.

Član 11.

(Prestanak važenja ranijeg propisa)

Stupanjem na snagu ove Uredbe prestaje da važi Uredba o tekstu i načinu polaganja zakletve policijskih službenika Ministarstva unutrašnjih poslova Kantona Sarajevo ("Službene novine Kantona Sarajevo", broj 8/07).

Član 12.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-38181-5/19
24. oktobra 2019. godine
Sarajevo

Premijer
Edin Forto